

## **13. NAO - 2016ko urtarrilaren 21a**

## **14. ALDIZKARIA - 2024ko urtarrilaren 18a (tarifaren aldaketa)**

### **22. ORDENANTZA, UDAL ELEMENTUAK ERABILTZEKO PREZIO PUBLIKOA ARAUTZEN DUENA**

#### **OINARRIA**

1. artikulua. Nafarroako Toki Ogasunei buruzko martxoaren 10eko 2/1995 Foru Legearen 28. artikuluan eta hurrengoetan xedatutakoaren babesean ezarri da ordenantza honetako prezio publikoa.

#### **ZERGAPEKO EGINTZA**

2. artikulua.

1. Pertsona natural edo juridikoei Udalarenak diren elementuak lagatzea, horra zergapeko egintza.
2. Elementu horiek uzten ahalko dira Udaleko zerbitzuetarako behar ez direnean.

#### **SUBJEKTU PASIBOA**

3. artikulua. Ordenantza honetako prezio publikoa ordaintzera behartuta daude 2.1. artikuluan aipatutako tresna edo materialak erabiltzen dituzten pertsona edo entitateak.

#### **KARGA-OINARRIA**

4. artikulua. Lagatutako elementuak zenbat denboran erabili diren, horren arabera izanen da.
5. artikulua. Erabilera denbora egunetan zenbatuko da, tarifetan zehazten denaren arabera, materiala udal biltegi edo parkeetatik ateratzen denetik hasi eta itzultzen den arte. Zatikia beti egun osotzat hartuko da.

#### **TARIFAK ETA KUOTAK**

6. artikulua.

1. Aplikatzeko tarifak ordenantza honen eranskinean agertzen dira.
2. Lagatutako elementuak udal langileen bidez eta Udalaren bitartekoekin muntatu eta garraiatzen badira, kuota zehazterakoan elementu horiek erabiltzeko tarifari muntaiarengatik eta garraioarengatik dagokiona gehituko zaio, betiere kontuan harturik horretan aritzen diren langileak, kategoria, muntatu eta garraiatzeko erabili diren bitartekoak eta ordu kopurua.

#### **TASAREN SORRARAZPENA**

7. artikulua. Ordenantza honetan araututako prezio publikoak udal elementuak erabili aurretik ordaindu beharko dira, horien erabilerarako aurreikuspenaren arabera.

## **13. NAO - 2016ko urtarrilaren 21a**

## **14. ALDIZKARIA - 2024ko urtarrilaren 18a (tarifaren aldaketa)**

Ordainketa hamabost egun naturaleko epean egin beharko da, elementuak erabiltzen uzteko baimena jakinarazi eta biharamunetik hasita, dirua Barañaingo Udalak kasu bakoitzean ematen duen kontu korrontean sartuz. Prezio publikoa ezarritako epean ordaintzen ez bada, baimena deuseztatu egingen da besterik gabe.

### ***HOBARIAK ETA EZ ORDAINTZEKO KASUAK***

8. artikulua. Halako ekintzetan Udala bera edo beste administrazio publiko bat entitate antolatzailea denean, elementu horiek erabiltzen uzteagatik ez da prezio publiko hau ezarriko. Halaber, prezioa ez ordaintzeko salbuespen hau aplikatuko da entitate antolatzailea Udalaren Musika Patronatua, Barañaingo Auditorioa edo Lagunak Udal Zerbitzua denean.

9. artikulua. Barañaingo Elkarteetan Udal Erregistroan inskribatuta dauden irabazi asmorik gabeko auzo elkarteek udalaren materiala Udalak baimendutako jardueretarako erabiltzeagatik, oro har ezarritako prezio publikoari %50eko hobaria ezarriko zaio.

### ***KUDEAKETA ARAUAK***

10. artikulua. Udalaren elementuen lagapenerako interesa duten partikularrek idatziz egingen dute eskaera, 20 egun lehenago gutxienez, eskabide orria erabiliz, Herritarrarendako Harrera Bulegoan, argi zehaztuta zein elementu behar duten, noizko eta zenbat denborarako.

11. artikulua. Eskaeren zerrenda bat egingen da, sarrera erregistroko daten arabera antolatua. Erreserba zerrenda bat ere prestatuko da, eskaerak elementu erabilgarriak baino gehiago izanez gero.

12. artikulua. Elementuak erabiltzen hasteko, nahitaezkoa izanen da eskatzaileak tarifen eranskinean ezarritako prezio publikoak ordaintzea.

13. artikulua. Baimena duen eskatzailearen batek baimen horri uko egiten badio, erreserba zerrendako hurrengo eskatzaileak ordeztuko du. Eskaerari uko egiteko, eskabide orria aurkeztu beharko da Herritarrarendako Harrera Bulegoan. Eskatzaileari ordaindu duen tarifa itzuliko zaio, soilik, lagapenaren aurreko hamar eguneko epearen barnean, gehienez, aurkezten badu idatzizko ukoa.

14. artikulua. Aulkiak, mahaiak edo oholak uzten direnean, beti eskatuko da fidantza bat, lagatako materialetan izan daitezkeen zikinkeria, haustura eta kalteei erantzuteko, salbu eta udala edo haren erakunde autonomoak direnean lagapenaren onuradunak. Materiala lagatako egoera berean itzuliz gero, fidantza itzuli egingo da. Aitzitik, materiala itzultzen ez bada edo itzultitakoa egoera txarrean badago, kaltetutako elementu edo itzuli gabeko elementu bakoitzagatik merkatuko prezioa kobratuko da.

15. artikulua. Lagatako elementuen erabilpen faseetan edozein motatako istripuak gertatuko balira, haien erantzukizuna ez legokioke inolaz ere Udalari.

### **13. NAO - 2016ko urtarrilaren 21a**

### **14. ALDIZKARIA - 2024ko urtarrilaren 18a (tarifaren aldaketa)**

16. artikulua. Lagatako materialek izaten dituzten haustura eta kalteak erabiltzaileen gain egonen dira. Harreraren arduradunek kalteei buruzko oharrak jasoko dituzte, kopia bat erabiltzaileei eman eta jatorrizkoa zerbitzu arduradunei igorriko diete. Haiek egingen dute behar den tasazioa.

17. artikulua. Lagatako materiala itzuli izanaren frogagiria eta, baldin badago, kalteen oharra, kasuan kasuko udal bulegoak jasotzen dituenean, likidazio proposamena igorriko da, onetsi eta kobratzeko tramitazioa egin dadin.

18. artikulua. Materialak eta elementuak nahi erara emanen ditu Udalak, eta ukapenaren aurka ezin izanen da erreklamaziorik egin.

19. artikulua. Baimena ematen bada udalaren kaxa elektronikora konektatzeko, dagokion jardueraren antolatzaileak tasa bat ordaindu beharko du argindarraren konexioagatik.

#### **2024KO TARIFEN ERANSKINA**

<b>2024ko TARIFAK</b>		
<b>(eurotan)</b>		
	<b>Erroldatuak</b>	<b>Erroldatu gabeak</b>
<b>I. epigrafea.–Langileak.</b>		
Kontzeptu honengatik aplikatu beharreko tarifak izanen dira zerbitzua egiten den garaian indarrean dauden soldatei dagozkienak, gehi %35, osasun laguntzagatik, Udalak Montepioari egiten dion ekarpenagatik eta pentsioengatik		
<b>II. epigrafea.–Materialak.</b>		
II.1.–Zeramika labea:		
–5 ordu baino gutxiagoko labealdiak	19,00	29,50
–5 ordutik 10era bitarteko labealdiak	29,50	45,00
Zeramika labea Kultura Etxean egiten diren gauzak egosteko baizik ez da erabiltzen ahal		
II.2.–Beirateak: zenbatekoa (1etik 30 egun bitarte) + hausturen ordainketa, halakorik	483,00	725,00

### **13. NAO - 2016ko urtarrilaren 21a**

### **14. ALDIZKARIA - 2024ko urtarrilaren 18a (tarifaren aldaketa)**

bada		
II.3.–Aulkiak: zenbatekoa aulki eta egun bakoitzeko	1,05	1,60
II.4.–Mahaiak, mahai eta egun bakoitzeko	5,20	6,70
II.5.–Taulak, taula eta egun bakoitzeko	5,00	6,50
II.6.–Stand modularra (7,5 m <sup>2</sup> /eguna)	36,70	56,40
II.7.–Stand modularra, izkina (7,5 m <sup>2</sup> /eguna)	39,90	61,50
II.8.–Megafonia ekipamendua (euro/eguna)	12,50	15,50
II.9.–Hesiak, hesi eta egun bakoitzeko	2,10	2,60
Fidantza, aulki bakoitzeko	1,05	1,00
Fidantza, mahai bakoitzeko	5,20	5,20
Fidantza, taula bakoitzeko	5,20	5,20
<b>III. epigrafea.–Oholtzak.</b>		
III.1.–Oholtza modulua (1x2 metro). Zenbatekoa, egunean	16,00	23,30
<b>IV. epigrafea.–Kaxa elektrikora konektatzea.</b>		
IV.1.–Egun erdia	52,00	65,30
IV.2.–Egun osoa	103,50	129,50
Aurreikusi ez diren kasuak parekatuko dira tarifako antzeko kasuekin, kontuan hartuz indarrean dauden kostu ofizialak edo merkatukoak.		
Tarifa guztiak dagozkie denbora unitateei edo unitateen zatiei.		